

# Manual davart la pratica da recurs da radio/tv

Ina publicaziun per ils 30 onns da l'istanza

■ (anr) L'Instanza da recurs independenta da Radio e Televisiun (UBI) festivescha quest onn ses giubileum da 30 onns. A quella chaschun ha ella publicità in manual davart sia activitad pertutgant la regulaziun da las medias en Svizra.

## Intent e procedura

Tar tractar recurs ha l'istanza da pasar giu da princip tranter la libertad da las medias e la protecziun inditgada dal public. La libertad da las medias è numnadain da muntada centrala per la democrazia. Sco tar tuts dretgs fundamentals è era la libertad da radio e televisiun sutmess a limitas. Il dretg svizzer da radiodiffusiun preveda pretensiuns minimalas al cuntegn dal program per garantir il maini liber dal public ed uschia protegger d'emissiuns nunlubidas. Latiers s'audan tranter auter ils principis d'infurmaziun sco objectivitad e multifariadad, observar ils dretgs fundamentals, scumond da discriminar, respectar la dignitad umana, il scumond da glorifitgar u minimisar la violenza e la protecziun da minorens. Il public stat el center da l'entira procedura da surveglianza. El decida en tge cas che l'istanza u ils posts da mediaziun precedents han d'agir.

## Ina publicaziun sco mussavia

«Tranter libertad da las medias e la protecziun dal public.» Quai è il titel d'in cuodesch che l'istanza ha publicità per ses giubileum da 30 onns. Quel consista da duas contribuziuns. Roger Blum, president da l'istanza, dat ina survista davart la regulaziun multifaria da las medias en Svizra. Il manader dal secretariat, Pierre Rieder, preschenta l'istanza tras cumpligiar sia giurisdicziun a basa d'exempels. Questa scrittira duai esser in agid pratic per la publicitad interessada, consumers da radio e televisiun, per quels che lavuran tar las medias u èn responsabels per quels.

## Recurrer è gratuit

L'istanza è ina cumissiun extraparlamentara da la confederaziun. Ella consista da nov commembers en uffizi accessori. Sin recurs inoltrads ha ella da constatar schebain emissiuns redacziunalas, realisadas da radio e televisiun, han violà il princip d'esser objectiv u sche l'access al program è vegnì refusà cunter dretg. Las tractativas da l'istanza èn da princip publicas e la procedura per ils pertutgads gratuita.